

ԳՐԱԽՈՍՈՒԹՅՈՒՆ**Х. Момджян—Сыны армянского народа в боях за Советскую Родину. Армгиз, Ереван, 1945, стр. 100.**

Գերմանա-ֆաշիստական իմպերիալիզմի դեմ մղված Հայրենական Մեծ պատերազմում իր ամբողջ կարողությամբ դրսևորվեց հաղթող սովետական ժողովրդի անխորտակելի զորությունը, նրա անհուն սերն ու նվիրվածությունը իր սիրասուն Հայրենիքին և բոլշևիկյան պարտիային: Հանճարեղ զորավար մեծ Ստալինի առաջնորդությամբ շահած հոյակապ հաղթանակը, հերոսական ռուս ժողովրդի հետ մեկտեղ, դարձնեցին Սովետական Միության բոլոր ժողովուրդները՝ փրկելով աշխարհի քաղաքակիրթ ազգերը ֆաշիստական ստրկացման սպառնալիքից:

Մայր-հայրենիքի վրա կախված վտանգի ահեղաշունչ օրերին Մեծ առաջնորդի առաջին իսկ կանչով ոտքի ելավ և ողջ ազատասեր հայ ժողովուրդը՝ մարտնչելու հանուն իր պատվի ու դարերից ի վեր բաղձալի ազատության, հանուն Սովետական իշխանության վեհ գաղափարի, որը «Հայաստանին բերեց խաղաղության և ազվային վերածնության հնարավորություն» (Ի. Ստալին):

Հայնատարած ռազմաճակատի բոլոր հատվածներում, պաշտպանողական դաժան մարտերի տագնապալի օրերից մինչև տենչալի հաղթանակը, անօրինակ մարտնչում էին ռազմահազար հայ քաջորդիներ՝ փառքի ու հերոսության սքանչելի դրվագներ ստեղծելով հայ ժողովրդի՝ պայքարով ի պատմության ակեզարդ էջերում:

Մինչև օրս, մեր մամուլի էջերում հրապարակված հոդվածներն ու գրական ակնարկները միայն որոշ չափով և մասնակի դեպքերով են լուսաբանել հայ ժողովրդի հերոսական պայքարը Հայրենական Մեծ պատերազմում: Այդ տեսակետից առաջին շնորհալի գործը պետք է համարել Գիտությունների Ակադեմիայի Պատմության Ինստիտուտի ավագ գիտ. աշխատակից Խ. Մոմջյանի՝ «Сыны армянского народа в боях за Советскую Родину» աշխատությունը, որը, չնայած իր սուղ ծավալին, այնուամենայնիվ ամփոփ կերպով ընդգրկում է Հայրենական պատերազմի ճակատներում առավել աչքի ընկած ու փառաբանված հայ ռազմիկների հերոսական գործերը: Հեղինակին, անշուշտ, հաջողվել է ցայտուն գծերով ու հագեցված փաստերով գրքի էջերում վերարտադրել մեր ժողովրդի անձնուրաց պայքարը հիտլերյան հորդանների դեմ, սկսած գերմանացիների ուխտադրուժ հարձակման առաջին օրից մինչև սրբազան պատերազմի հաղթական ավարտը:

Գրքի առաջին էջերը հագեցված են բուռն գայրույթով համակված ողջ հայ ժողովրդի անհողողող կամքն ու վառ հայրենասիրությունը արաահայ-

տող պերճախոս փաստերով, Հիտլերյան Գերմանիայի կողմից սկսած ավազակային հարձակման լուրը ցնցեց ստեղծագործ. խաղաղ կյանքով ապրող, Հայաստանի աշխատավորությանը, Ամենուրեք գումարված բազմամարդ միտինգներում բանվորները, ծառայողները, կոլխոզնիկներն ու ինտելիգենցիան երգվում էին իրենց մեծ առաջնորդին՝ մինչև վերջն աննկուն մնալ Սովետական հայրենիքի դոյության համար ծավալված պայքարում։ Հազարավոր հայրենասերներ հայտնում էին իրենց պատրաստակամությունը անհապաղ մեկնել ռազմաճակատ՝ արյան գնով պաշտպանելու սովետական պետության պատիժն ու արդար իրավունքները։

Այնուհետև, ընթերցողին պատկերվում են անհամար փորձություններով լի, պաշտպանողական դաժան մարտերի հեռ զուգակցված, կարմիր Բանակի ստրատեգիական նահանջի ծանր ամիսները։ Արևմտյան մարդերում մոլեգնում էր գերմանա-ֆաշիստական բանակը, ահավոր կորուստների գնով խրցվում մեր երկրի կենսական շրջանները։ Սովետական ռազմիկները բացառիկ արիությանը դիմադրում էին հիտլերյան հորդանքներին, համառորեն պաշտպանելով իրենց այնքան նվիրական քաղաքներն ու գյուղերը։

Տագնապալի այդ օրերին ծնունդ առան անգրանիկ խիզախները։ Շուտով ողջ Սովետական Միությանը հայտնի դարձան օդաչու Պատրիկ Գազադյանի, քաղղեկ Արզամ Պետրոսյանի, մայոր Ապրեսյանի և բազմաթիվ հայ ռազմիկների պանծալի անունները։ Արդեն պատերազմը սկսվելուց երկու ամիս անց «Պրավդա»-ն իր «Հայ ժողովուրդը Սովետական Միության ազատագրական պատերազմի մարտական մասնակիցն է» խորագրով խմբագրականում գրում էր.

«Հայ ժողովուրդը հաստատապես իր մարտական տեղն է գրավել իրենց անկախության և ազատության համար Սովետական Միության բոլոր ժողովուրդների մղած ընդհանուր պայքարում... Հայ ժողովուրդը, ինչպես Սովետական Միության մյուս բոլոր ազատ ու իրավահավասար ժողովուրդները, առավել խորապես զգաց մեր երկրի վրա կախված վտանգն այն պատճառով, որ նա իր բազմադարյան պատմության մեջ քանիցս ենթարկվել է օտար բռնակնիների հարձակումներին։ Նա գիտե, թե ինչ բան են կոտորածը, ավերը, սովը, բռնությունները։ Հայ ժողովուրդը չի մոռացել հայերի ֆիզիկական ոչնչացումը, որ կազմակերպել էր արյունոտ Հիտլերի նախորդ Վիլհելմ կայսրը առաջին իմպերիալիստական պատերազմի տարիներին։

Այդ պատճառով, երբ արյունալի հրդեհի պես բռնկեց պատերազմը, որ սկսել էլ մարդակեր Հիտլերը Սովետական Միության դեմ, ամբողջ հայ ժողովուրդը մի մարդու պես ոտքի կանգնեց հայրենիքը պաշտպանելու»¹։

1941 թ. աշնանը թշնամին, վիթխարի կորուստների գնով, ընդհուպ մոտեցավ Մոսկվայի մերձակա մատույցներին։ Հիտլերի զորակայանը ճեղքում էր նվաճել Մոսկվան, նոր աշխարհի և առաջավոր մարդկության լուսապսակ խորհրդանիշը։ Բազմազգ սովետական ժողովուրդն ավելի սերտ համախմբվեց իր առաջնորդի շուրջը։ Միլիոնավոր սովետական մարդկանց գիտակցությունը համակված էր միևնույն մտքով՝ մեռնել, բայց չթողնել թըշնամուն ոտնակոխել Մոսկվան»²։

¹ «Պրավդա», 25 օգոստ. 1941 թ.։

² X. Момджян, «Силы армянского народа в боях за Советскую Родину», էջ 16.

Այդ նվիրական քաղաքի համար ծավալված հերոսամարտում ծնունդ առավ արդի ականավոր զորավար գեներալ Բաղրամյանի ռազմավարական կարկառուն տաղանդը: Մոսկվայի մատույցներում փայլուն սխրագործություններով աչքի ընկան հրետանու գեներալներ Բարսեղովն ու Վեքիլյանը: Այդտեղ իրենց մարտական սկրտությունն ստացան հայ գեներալներ Ս. Մարտիրոսյանը, Հ. Մարտիրոսյանը, Ի. Գասպարյանը և Ս. Գինոսյանը: Մեր երկրին հայտնի դարձան մայոր Բալոյանը, մայոր Հ. Լադարյանը, կոմերիտական Շադունցը և բազմաթիվ այլ հայ ռազմիկներ, որոնք կարմիր Բանակի հսկայական զորագնդերի կազմում, արիաբար մասնակցեցին գերմանա-ֆաշիստական զորքերի լիակատար ֆալշախմանը Մոսկվայի մատույցներում:

Այդ նույն ժամանակ, Մոսկվայից հյուսիս-արևմուտք, անօրինակ տոկունություն մարտնչում էր հերոսական Լենինգրադը՝ մեծ Հոկտեմբերի չքնաղ օրրանը: Հեղինակը Լենինգրադի հայ պաշտպանների պատվավոր անվանաշարն ամենայն արժանավորությամբ բացում է խոշորագույն ռազմական տեսաբան, Նավատորմի ծովակալ Ի. Ս. Իսակովի փառապանծ անվամբ: Եվ իրոք կարմրադրոշ Բալթյան նավատորմի սերտ համագործակցությունը Լենինգրադի ռազմաճակատի զորքերին, անվեհեր ծովայինների համարձակ գործողությունները Ֆիննական ծոցի և Բալթիկայի կոմունիկացիաներում, Լենինգրադը «Մայր երկրի» հետ կապող միակ հաղորդակցության ջրային ուղու «Կյանքի ճանապարհի» ստեղծումը, որի շնորհիվ հերոս քաղաքը պահպանեց իր գոյությունը շրջափակման դժնդակ ամիսներին, այս ամենն անխզելիորեն կապված է Նավատորմի ծովակալ Իսակովի անվան հետ:

Լենինի քաղաքի պաշտպանության օրերին հռչակվեց Ստալինյան ավիացիայի լավագույն վարպետներից մեկի, Բալթիկայի վիրտուոզ օդաչու-գրոհիչ Նելսոն Ստեփանյանի համբավը: Ուշագրավ է մեջբերել անվեհեր օդաչուի անձնական հաշիվը, որը հրամանատարության կողմից գրանցված է նրա պարգևատրման թերթիկում.

«Մարտական գործողությունների ընթացքում, 1941 թ. հունիսից մինչև 1944 թ. օգոստոսի 18-ը, Նելսոն Ստեփանյանը, ԻԼ-2 ինքնաթիռով կատարել է 239 հաջողակ թռիչք, որի ընթացքում ջրասույզ է արել մեկ ականակիր, 2 պահականազ, 2 տորպեդային կատեր, 5 փոխադրանավ 18 հազար տոնն ընդհանուր ջրածավալով: Ստեփանյանը ոչնչացրել է հակառակորդի մինչև 5000 զինվոր ու սպա, 80 տանկ, 600 ավտոմեքենա, 140 հրանոթ, 130 գնդացրային կետ, երկաթուղային 40 վագոն և 1 շոգեքարշ: Նա կործանել է 4 գետանցարան, առաջացրել է 80 պայթյուն և 70 հրդեհ, օդային մարտում ցած է զցել հակառակորդի Յու-88 տիպի երկու ինքնաթիռ և գեանի վրա ոչնչացրել տարրեր տիպի 25 ինքնաթիռ (էջ 20):»

Այսու հասկանալի է. թե ինչու ՍՍՌՄ Գերագույն Սովետը, Լենինգրադի երկնական մարի տակ իր մարտական հաշիվն սկսած և այն փայլուն հաջողությամբ ավարտած Նելսոն Ստեփանյանին շնորհեց Սովետական Միության կրկնակի Հերոսի բարձր կոչում:

Լենինգրադի համար մղված մարտերում ղոհվեց քաջարի գեներալ Բենիամին Գալստյանը: Այդ կորստով խորապես ազդված. Նիկոլայ Տիխոնովը Գալստյանի պայծառ հիշատակին ձոնել է հետևյալ տողերը՝

«... Գալստյանի անունը մենք կմտցնենք հերոսների՝ Լենինգրադի

պաշտպանների անջնջելի ցուցակը և կհիշենք նրան ընդմիջտ, որպես մեր մեծ քաղաքի սքանչելի հայրենասերի» (էջ 22)։

Հայրենիքն ամենայն արժանավորությամբ կհիշի Լենինգրադի համալսարանի ասպիրանտ Գասպարյանին, որը 30 ժամ տևող անհավասար մարտից հետո, վերջին նշանակով պայթեցնում է իրեն՝ նողկալի գերության մեջ չընկնելու համար։

Լենինգրադի, ինչպես նաև Սովետական Միության ողջ կուլտուրական հասարակայնությունը կհիշի Հայկական ՍՍՌ Գիտությունների Ակադեմիայի պրեզիդենտ, Գետական էրմիտաժի դիրեկտոր ակադեմիկոս Հ. Ա. Օրբելուն, որը Լենինգրադի շրջափակման ծանր օրերին, «արհամարհելով վտանգը, պատանեկական ավյունով շրջում էր զորամասերն ու Բալթյան նավատորմի ռազմանավերը և իր բոցաշունչ խոսքով անդրդվելի հավատ ներշնչում գալիք հաղթանակի նկատմամբ։ Նա Լենինգրադից հեռացավ միայն այնժամ, երբ էրմիտաժի հարսանությունները և գիտական կոլեկտիվն արդեն ապահով էին վտանգից» (էջ 26)։

Գրքի հաջորդ էջերն ընդգրկում են Կարմիր Բանակի 1941-1942 թ. թ. ձմռան պաշտպանողական համառ մարտերը, որ տարվում էին Ղրիմում և Կերչի թերակղզում։ Այդ օրերին կազմավորվեց գնդապետ Զաքյանի հրամանատարութայն գործող առաջին հայ ազգային զինվորական միավորումը 360-րդ դիվիզիան, որը հայրենիքին պարգևեց անվաններ հրամանատարներ՝ կոմիսար Թ. Շահինյանին, փոխգնդապետ Բ. Դանիելյանին, գնդապետ Ա. Բոյաջյանին, մայոր Գ. Ավալյանին։

Բազմաթիվ հայ ռազմիկների մեծ պատիվ վիճակվեց, ուստի ժողովրդի լավագույն զավակների հետ մեկտեղ, մասնակցել Սևաստոպոլի անմահ դուրացողնամաքում։ Այնտեղ վերստին հռչակվեց Գերագույն Գլխավոր Հրամանատարութայն Զորակայանի ներկայացուցիչ, նավատորմի ծովակալ Ի. Իսակովը՝ անգնահատելի ավանդ մտցնելով Սևաստոպոլի հերոսական պաշտպանության կազմակերպման գործում։ Ռուսական փառքի քաղաքի համար իրենց դեռատի կյանքը Հայրենիքի ղոհասեղանին նվիրաբերեցին քաջարի օդաչուներ՝ Վարդգես Կարդանյանը, Շահեն Աղեկյանը, բանաստեղծ Թաթուլ Հուրյանը...

Պատերազմի արհավիրքը մոլեգնում էր հինավուրց Կովկասում, Օգոստոսի վերջից եվրոպայում երկրորդ ճակատի բացակայությունից, 1942 թ. ամռանը գերմանական հրամանատարութայնը հաջողվեց ժողովել իր ողջ ազատ ռեզերվները և հարավում ուժերի մեծ դերակշռություն ստեղծելով՝ հարվածն ուղղել դեպի Կովկաս ու Ստալինգրադ։

Միանգամայն ուղղամտորեն վերլուծելով Հայրենական պատերազմի պատմության մեջ առանձնահատուկ տեղ գրավող այդ ժամանակաշրջանի ռազմա քաղաքական իրադրությունը, հեղինակը հակիրճ, սակայն գունեղ օրինակներով վերհանում է Անդրկովկասի ժողովուրդների անդրդվելի կամքը և սովետական զորքերի տիտանական ուժը, որ վիթխարի պատենչի պես ծառացան տևտոնական հորդանների դեմահանդիման՝ ամուր փակելով Կովկասի անառիկ դարպասները։

«Այն միտքը, որ թշնամին մոտեցել է, որ նա սպառնում է ավերիչ մուլուցքով ներխուժել Անդրկովկասի քաղաքներն ու դուրեղները և ամեն ինչ հիմնահատակ կործանել, ավելի սերտ համաձուլեց և մոբիլիզացրեց Ադր-

բեջանի, Վրաստանի ու Հայաստանի ժողովուրդներին, վճռականությամբ համակեց նրանց ողու ժողովրդի հետ թե թեի տված քաջասիրտ ու ճգմել ֆաշիստական իշխան Կովկասի նախալեռնեցում (էջ 36)։

Նույնպիսի վճռականությամբ մարտնչում էին ռազմաճակատում Հայաստանի արիասիրտ զավակները։ Կովկասի համար մզվող ճակատամարտում իր փառավոր ուղին բացեց 89-րդ հայկական հրաձիգ դիվիզիան՝ հայ ժողովրդի փառքով օծված մարտական դրոշները Կովկասի նախալեռներից տանելով մինչև գահավիժված Իեռլին։ Կովկասում աչքի ընկան նաև մյուս հայկական միավորումը՝ 409-րդ դիվիզիան, որի կազմից ելան՝ բազմաթիվ մարտերում հուշակված, Սովետական Միության Հերոս Վեռնային արժիվ՝ Սամսոն Մկրտումյանը, Հակոբ Սարգսյանը, սակրավոր Մեսրոպ Ղազարյանը։ Կովկասի հայ պաշտպանները թե՛ մարտերի տաճնապալի պահին ժամնայն օր զգում էին Հայաստանի ժողովրդի սերն ու օգնությունը, Հայաստանի Կ(Բ)Պ ԿԿ-ի և մասնավորապես Ռազմական Խորհրդի անդամ Գ. Ա. Հարությունյանի հիշատակության արժանի օժանդակությունը ռազմաճակատում մարտնչող հայկական զորամասերին։

Ժամանակագրական տեսակետից Կովկասի պաշտպանությունը համընկավ Ստալինգրադի անմահ էպոպեին։ Ջանգեզուրի բարձրագահ լեռներից, Սևանի ափերից ու Արաքսի հովտից բազմահազար հայ ռազմիկներ եկել էին Վոլգայի անսովոր ամրոցը, ողու ժողովրդի հետ մեկտեղ մասնակցելու այն հոյակապ ճակատամարտին, որը հետագայում գերմանա-ֆաշիստական բանակի մայրամուտը հանդիսացավ։ Հերոսական քաղաքի պարիսպների տակ իրենց անմահացրին գեներալ-լեյտենանտներ Իվան Վեբելյանը, Հայկ Թումանյանը, Սերգեյ Գալաշևը, գեներալ-մայոր Ասքանազ Կարապետյանը։ Այդ վիթխարի հերոսամարտում ծնունդ առան Սովետական Միության ապագա հերոսներ Ս. Բուռնազյանը, Մ. Բոստանջյանը, Ա. Պոգոսյանը, Ղ. Մոդոյանը, Ա. Հարությունյանը։

Ստալինի քաղաքի համար մղած հերոսամարտում փառապանծ մարտական ուղի է անցել Անդրկովկասի քաղաքացիական կոիֆների հոգմերում ծնված, Կ. Ե. Վորոշիլովի անվան նախկին հայկական դիվիզիան, որը Ստալինգրադում ցուցաբերած աչքի ընկնող մարտական ծառայությունների համար արժանացել է Մեծ Ստալինի կրկնակի շնորհակալությանը և զվարդիական զորամասի պատվավոր կոչմանը։

Ստալինգրադի հայ պաշտպանների աննկուն պայքարը զրքի էջերում վերարտադրված է սեղմ, անառարկելի փաստերով, Այստեղ հիշատակված են զվարդիայի գնդապետ Մ. Մադաթյանը, կապիտան Ա. Միրզոյանը, զվարդիականներ Ա. Քոչարյանը, Ա. Հակոբյանը, Ե. Ալիխանյանը, որոնց, բյուրավոր հերոսների հետ մեկտեղ, երկնեց ու կոփեց Ստալինգրադյան աշխարհահռչակ ճակատամարտը։

Հայրենական պատերազմի դարձակետում վիթխարի ժայռի պես Կանգնած Ստալինգրադից ձգվեց Սովետական դրքերի փայլուն հաղթանակների և գերմանական բանակի ոգրալի պարտությունների անդընդմեջ շղթան։ «Այսուհետև նախաձեռնությունն անցավ Կարմիր Բանակի և մեր դաշնակիցների ձեռքը։ Հեկահիտերյան ուժերը ան-

ցան վճռական հարձակման, Պատերազմը մաավ իր զարգացման նոր փուլի մեջ» (էջ 47)։

Գրքի երկրորդ կեսը նվիրված է աննախընթաց թափով ծավալված հարձակողական մարտերին, որ մղվում էին անծայրածիր ռազմաճակատի բոլոր հատվածներում։ Այդ օրերին հայ ժողովուրդն իր սրտառուչ նամակն ուղղեց Հայրենիքի ազատության համար մարտնչող զավակներին։ Ույնտեղ ասված է. «Հանուն սովետական հայրենիքի, հանուն Մայր-Հայաստանի, հանուն Ներ Ստալինի, մի խնայեք ձեր կյանքը, մի խնայեք ձեր վերջին կաթիլ արյունը։ Հիշեք մեր ժողովրդի իմաստուն խոսքերը. «Զգիտակցված մահը՝ մահ է, գիտակցված մահը՝ անմահություն է» (էջ 48)։

Այդ պատմական նամակ-փաստաթուղթը հսկայական նշանակություն ունեցավ, Հայաստանի կանչը հասավ ռազմաճակատում մարտնչող իր զավակներին, ոգեշնչեց նրանց նորանոր սխրագործությունների, «Հեռավոր Հյուսիսից ու Լենինգրադից, Կարելո-Ֆիննական անտառներից և Ուկրաինայի անծայրածիր տափաստաններից, Ռժեկ մոտից ու Կուրսկից, Հյուսիսային Կովկասից և Կուրանից, ռազմաճակատի բոլոր հատվածներից, հայկական զորամասերը, ստորաբաժանումները, առանձին հրամանատարներն ու մարտիկները հայտնում էին այն մասին, որ ժողովրդի պատգամը հասել է իրենց, որ նա կկատարվի» (էջ 50)։

«Մենք երդվում ենք մեր պատվով,—գրում էին այդ օրերին ապագա Թաժանցիները,—մեր զոհված ընկերների արյամբ, քարքարոս Ֆաշիստների կողմից անարդված ու խոշտանգված մայրերի, քույրերի, մանուկների արցունքով ու արյամբ, որ վրիժառու կլինենք դահիճ հիտլերականների նկատմամբ» (էջ 50)։

Եվ իրոք, հայ ռազմիկները սրբություն մար կատարեցին հայրենիքի նվիրական պատգամը։ 1943 թ. ամառը երբ սովետական զորքերը, մի շարք վճռական հատվածներում փայլուն հաղթանակ շահելուց հետո, անցան գերմանա-ֆաշիստական հրոսակների մասսայական վոնդմանը մեր երկրից, հայ մարտիկները մեծ անձնվիրություն մասնակցեցին Կարմիր Բանակի այդ ազատագրական առաքելությանը։ Թաժանի թերակղզին ազատագրելիս հուշակվեց գնդապետ (այժմ գեներալ-մայոր) Նվեր Սաֆարյանի հրամանատարություն մար զործող 89-րդ հայկական դիվիզիան, որն արժանացավ Մեծ Ստալինի շնորհակալությանը և «Թաժանյան» կոչմանը։ Դիվիզիայից 2000 մարտիկներ պարգևատրվեցին շքանշաններով ու մեդալներով, Հանուն հայրենիքի հերոսաբար զոհվեցին Հունտն Ավետիսյանը, Սուրեն Առաքելյանը և Զահան Կարախանյանը, Հավերժացնելով արիության այդ երևելի կերպարները, ՍՍՌՄ Գեոազույն Սովետի Նախագահությունը դրանց երեքին էլ շնորհեց Սովետական Միության Հերոսի կոչում։

Առավել հարուստ օրինակներով է հագեցված գրքի այն մասը, որն ընդգրկում է Ուկրաինայի և Դրիմի ազատագրման համար մղվող մարտերը (էջ 67—81)։ Այստեղ հանդես են գալիս ստալինյան ռազմական արվեստում մեծ ընդունակություններ ցուցաբերած գեներալներ՝ Կիևի ազատագրման հերոս Ս. Մարտիրոսյանը, Մելիտոպոլի մարտերում փառաբանված Ա. Կարապետյանը, Սուվորովի առաջին աստիճանի շքանշանի ասպետ Գ. Տեր-Գասպարյանը, Հոչակավոր Դնեպրյան դետանցի համար Սովետական Միության Հերոսի կոչման արժանացան քսան հայ ռազմիկներ, որոնց

պատմավոր անվանադարձը բացեց գեներալ-մայոր Անդրանիկ Ղադարյանը, Ուկրաինայի ժողովրդին հիշատակարժան ծառայություններ մատուցեց Ա. Ի. Միկոյանի անվան պարտիզանական ջոկատը, որ կազմված էր ֆաշիստական գերությունից փախած 250 հայ մտրտիկներից, Պարտիզանական միավորման հրամանատար, Սովետական Միության Հերոս գեներալ-մայոր Նաումովը այսպես է բնութագրում միկոյանցիներին. «Միկոյանի անվան ջոկատը նշանավոր է ոչ միայն նրանով, որ նա ուժգին հարվածում է գերմանացիներին, այլ և այն պատճառով, որ նա սովետական հայրենիքի համար Ուկրաինայում մարտնչող միակ ազգային պարտիզանական ջոկատն է» (էջ 76)։

Ղրիմի, հատկապես, Սևաստոպոլի, ազատագրման համար մղվող մարտերում վերստին նշանավորվեց 89-րդ Թաժանյան դիվիզիան, որն արժանացավ «Կարմիր Գրոշ»-ի շքանշանի, իսկ երկու գնդերը «Սևաստոպոլյան» կոչման։ Ղրիմի մարտերում դիվիզիան Հայրենիքին պարգևեց Սովետական միության հինգ նոր Հերոսներ՝ Ա. Հարությունյանին, Ս. Բաղդասարյանին, Հ. Մկրտչյանին, Վ. Ռոստամյանին՝ և Խ. Խաչատրյանին։

Հայ ռազմիկները մեծ մասնակցություն ունեցան նաև Բելոռուսիայի և Մերձբալթիկյանի ազատագրմանը գերմանական զավթիչներից։ Այդ նշանակալից մարտերն անխզելիորեն կապված են Սովետական Միության Հերոս, բանակի գեներալ Հ. Ք. Բաղդամյանի անվան հետ, նրա ղեկավարած զորքերի փայլուն հաղթանակը Նեվելից հարավ և Գոբոդոկի տակ, Շաուլայի հռչակավոր օպերացիան և, վերջապես, գերմանական տասնյակ դիվիզիաները հուժկու աքցանի մեջ առնելով՝ նրանց Բալթիկ ծովին ընդհուպ սեղմումը, որի հետևանքով Մերձբալթիկյան կտրվեց Արևելյան Գրուդիայից, այդ ամենը վկայում են տաղանդավոր զորավար Բաղդամյանի համաժողովրդական փառքը, որն ամենայն արժանավորությամբ նա վայելում է մեր երկրում։ Բելոռուսիայի ազատագրման համար մարտնչել են գեներալներ Բ. Առուշանյանը, Ս. Գինոսյանը, Ի. Գասպարյանը, Հ. Հախնազարյանը, Հ. Բաբաջանյանը, Սովետական Միության Հերոս Ղ. Ավագյանը, անվախ օդաչու Ա. Գասպարյանը, Զապակի անվան պարտիզանական ջոկատի հրամանատար Վ. Աղաջանյանը և բազմաթիվ հայ խիզախներ, որոնց երջանկավետ բախտ վիճակվեց թշնամուն մեր սրբազան հողից լիովին վռնդելուց հետո, մասնակցել Կարմիր Բանակի պատմական արշավին՝ արդեն գերմանական տերիտորիայում։

Սովետական Գերագույն Գլխավոր Հրամանատարության կամքով եզրափակելի, կատաղի մարտերը փոխադրվեցին Բեռլինի նախամուտքը։

Գրքի վերջին էջերում հեղինակն արդարացիորեն արտահայտում է այն անզուսպ պաթոսն ու տիտանական ուժը, որ համակել էր վրիժառու Սովետական զորքերին՝ Բեռլինի համար մղած հերոսամարտում։ Կարմիր Բանակի հաղթական զորագնդերի կազմում արշավում էին և հայ ռազմիկները՝ օր առաջ բռնակալ քաղաքը խորտակելու։

Հայ ժողովուրդն անսահման զոհունակությամբ լսեց Բեռլինի զրավման առթիվ, ի լուր աշխարհի ազդարարած, Մեծ առաջնորդի պատմական հրամանը, ուր առավել աչքի ընկած զորամասերի շարքում նշված էր նաև գեներալ-մայոր Նվեր Սաֆարյանի հրամանատարությամբ զործող 89-րդ եռակի շքանշանակիր Թաժանյան դիվիզիան, ինչպես և անվանի հայ գեներ-

րալներ Ս. Կարապետյանի, Ի. Գասպարյանի և Հ. Իսախանյանի ղեկավարած զորքերը:

Սովետական Միության Հերոսների պանծալի կաճառն ավելացավ նոր հայ խիզախներով: Բեռլինի գրավման համար փառաբանվեցին բյուրավոր հայ քաջորդիներ, որոնք իրենց համեստ, սակայն հավետ անմոռաց ավանդը մտցրին այն մեծ հերոսամարտին, որը փայլուն հաղթությամբ պսակեց Սովետական ժողովրդի մղած Հայրենական Մեծ պատերազմը:

* * *

«Հայ ժողովրդի զավակները Սովետական Հայրենիքի համար մղած մարտերում» աշխատության հրուսպարակումն, անտարակույս, չափազանց խրախուսելի քայլ է, որ սիրով ձեռնարկել է հեղինակը: Գրքի ողուսերեն լեզվով հրատարակումը հնարավորություն կտա Սովետական Միության ժողովուրդներին, թերեւս ոչ լրիվ, սակայն ամփոփ պատկերացում ունենալ Հայրենական պատերազմի օրերին հայ ժողովրդի անձնուրաց պայքարի մասին: Հեղինակն իր գրքում բարեխղճորեն օգտագործել է Գիտությունների Ակադեմիայի Պատմության Խնստիտուտին կից Հայրենական Մեծ Պատերազմի Պատմության Կարինետի արխիվում դրված արժեքավոր նյութերն ու փաստաթղթերը, ինչպես նաև Խնստիտուտի կողմից մոտ ժամանակներս հրապարակվելիք «Հայ ժողովուրդը Հայրենական Մեծ պատերազմի մարտական մասնակիցն է» ժողովածուի նյութերը: Բացի այդ, գրքում զետեղված են մի շարք ուշադրավ տեղեկություններ քաղված կենտրոնական, տեղական և ռազմաճակատային մամուլի էջերից:

Հարուստ լեզուն, գրվածքի գեղեցիկ գրական ուժն ու պատկերավոր, առանց ավելորդությունների մեջ բերած օրինակները գիրքը դարձնում են հեաաքրքիր և դյուրընթեռնելի:

Դժբախտաբար աշխատության սեղմ ծավալը հնարավորություն չի ավել հեղինակին լիովին արտացոլել հայ ժողովրդի հերոսական պայքարի դեռևս չլուսաբանված շատ դրվագներ: Գրքի էջերից դուրս են մնացել Հայրենական պատերազմի ռազմաճակատներում փառաբանված մի շարք երևելի դեմքեր, ինչպես նաև պատերազմի տարիներին Հայաստանի աշխատավորության անձնվեր գործերն արտահայտող բազմաթիվ օրինակներ:

Ձեռք կասկածում, որ նորագույն շրջանի պատմությամբ զբաղվող մեր մասնագետները ամենայն սիրով և ուշիմությամբ ձեռնամուխ կլինեն այդ պատվարժան գործին և իրենց գիտական աշխատություններում կվերարտադրեն հայ ժողովրդի զավակների սքանչելի կերպարը, որ մշտնջենական փառքով դրոշմվեց Հայրենական Մեծ պատերազմի անմահ տարեգրության մեջ:

Կ. ՏԵՐ-ԳՐԻԳՈՐՅԱՆ